



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱԴԱՍՏՐԻ ԿՈՄԻՏԵ  
Ղ Ե Կ Ա Վ Ա Ր

ք. Երևան

«05» 02 2025թ.

Հ Ր Ա Մ Ա Ն N 69/1-Ա

ԿԱԴԱՍՏՐԻ ԿՈՄԻՏԵԻ ԱՆՁՆԱԿԱԶՄԻ ԿԱՌԱՎԱՐՄԱՆ ՎԱՐՉՈՒԹՅԱՆ  
ՓՈՐՁԱԳԵՏԻ ԱՇԽԱՏԱՆՔԱՅԻՆ ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ

Ղեկավարվելով «Կառավարչական իրավահարաբերությունների կարգավորման մասին» օրենքի 16-րդ հոդվածի 11-րդ մասի 1-ին կետով և հիմք ընդունելով ՀՀ կառավարության 2018 թվականի օգոստոսի 2-ի N 878-Ն որոշմամբ հաստատված հավելվածի 7-րդ կետի պահանջը՝

Հ Ր Ա Մ Ա Յ ՈՒ Մ Ե Մ

1. Հաստատել Կադաստրի կոմիտեի անձնակազմի կառավարման վարչության փորձագետի ծրագիրը՝ համակարգում իրականացվող բարեփոխումների շարունակականությունն ու արդյունավետությունն ապահովելու նպատակով, համաձայն հավելվածի:

X

ՍՈՒՐԵՆ ԹՈՎՄԱՅԱՆ

Սուրեն Թովմասյան Signed by: TOVMASYAN SUREN 1201860393

**Ծ Ր Ա Գ Ի Ր**

**ԿԱԴԱՍՏՐԻ ԿՈՄԻՏԵԻ ԱՆՁՆԱԿԱԶՄԻ ԿԱՌԱՎԱՐՄԱՆ ՎԱՐՉՈՒԹՅԱՆ  
ՓՈՐՁԱԳԵՏԻ ԱՇԽԱՏԱՆՔՆԵՐԻ ԻՐԱԿԱՆԱՑՄԱՆ**

**1. Փորձագետ ներգրավելու դեպքը և հիմնավորումները**

ՀՀ վարչապետի 2018 թվականի հունիսի 11-ի N 749-Լ որոշմամբ հաստատված Կադաստրի կոմիտեի կանոնադրությամբ՝ կոմիտեին է վերապահված անշարժ գույքի պետական միասնական կադաստրի վարումն ու կադաստրի համակարգի գործունեության ապահովման լիազորությունը: ՀՀ կառավարության 2021 թվականի նոյեմբերի 18-ի «ՀՀ կառավարության 2021-2026 թվականների գործունեության միջոցառումների ծրագիրը հաստատելու մասին» N 1902-Լ որոշմամբ՝ Կադաստրի կոմիտեին է վերապահված անշարժ գույքի գրանցման գործընթացների արդյունավետության բարձրացման նպատակով կառուցվածքային բարեփոխումների իրականացման միջոցառումը: ՀՀ կառավարության 2021-2026 ծրագրով նախատեսված միջոցառումների շրջանակներում նախատեսվում է սպասարկման գրասենյակների օպտիմալացում՝ ի հաշիվ առցանց մատուցվող ծառայությունների զարգացման, օպերատորների (համայնքներ, «Հայփոստ» ՓԲԸ և այլն) կողմից մատուցվող ծառայությունների ցանկի և աշխարհագրության ընդլայնման, ինչպես նաև օպտիմալացված գրասենյակների փոխարեն խորհրդատվական կենտրոնների ստեղծում: Կադաստրի կոմիտեի համակարգում իրականացվող բարեփոխումների շարունակականությունն ու արդյունավետությունն ապահովելու նպատակով նախատեսվում են իրականացնել կառուցվածքային փոփոխություններ՝ գրանցման միասնական ստորաբաժանման ստեղծման, սպասարկման գրասենյակների և տարածքային (մարզային) ստորաբաժանումների գործունեության դադարեցման և նոր խորհրդատվական կենտրոնների ստեղծման միջոցով:

Վերոնշյալ աշխատանքների իրականացման համար անհրաժեշտություն է առաջացել **Կադաստրի կոմիտեում կանոնադրական խնդիրներից բխող որոշակի ժամկետով ծրագրի իրականացման դեպքով ներգրավել փորձագետ:**

## **2. Աշխատանքների իրականացման ժամանակահատվածը**

Սույն ծրագրով նախատեսված աշխատանքներն իրականացնելու համար փորձագետ ներգրավվում է 1 /մեկ/ տարի ժամկետով:

## **3. Ակնկալվող արդյունքը**

Վերոհիշյալ ծրագրի շրջանակներում իրականացվելու են հետևյալ աշխատանքները.

- Կադաստրի կոմիտեում նոր ստեղծվող գրանցման միասնական ստորաբաժանման, նոր ստեղծված «Սյունիք», «Շիրակ», «Լոռի» խորհրդատվական կենտրոնների քաղաքացիական ծառայության պաշտոնների գնահատում և դասակարգում,
- նոր ստեղծվող գրանցման միասնական ստորաբաժանման, նոր ստեղծված «Սյունիք», «Շիրակ», «Լոռի» խորհրդատվական կենտրոնների, գործունեությունը դադարեցրած սպասարկման գրասենյակների քաղաքացիական ծառայության պաշտոնների անվանացանկի առաջարկության և պաշտոնների անձնագրերի նախագծերի մշակում,
- Կադաստրի կոմիտեում նոր ստեղծվող գրանցման միասնական ստորաբաժանման, նոր ստեղծված «Սյունիք», «Շիրակ», «Լոռի» խորհրդատվական կենտրոնների հաստիքների համալրում:

## **4. Հաշվետվություններ ներկայացնելու ժամկետը՝**

Փորձագետը սույն ծրագրով հանձնարարված աշխատանքների վերաբերյալ վեց ամիսը մեկ անգամ՝ մինչև հաշվետու ամսվան հաջորդող ամսվա 5-ը, անմիջական

ղեկավարին է ներկայացնում կատարված աշխատանքների վերաբերյալ հաշվետվություն:

### **5. Աշխատանքների գնահատման չափանիշները**

Փորձագետի աշխատանքների գնահատման համար հիմք են հանդիսանում վերջինիս կողմից ներկայացված հաշվետվությունները: Կատարված աշխատանքի արդյունքը գնահատվում է բավարար, լավ կամ գերազանց:

### **6. Փորձագետին ներկայացվող պահանջները**

Սույն ծրագրով նախատեսված աշխատանքների իրականացման համար փորձագետը պետք է ունենա՝

- Հայաստանի Հանրապետության քաղաքացիություն,
- բարձրագույն կրթություն,
- կադրերի և մասնագիտական կողմնորոշման բնագավառում երեք տարվա աշխատանքային ստաժ,
- համակարգչով և ժամանակակից այլ տեխնիկական միջոցներով աշխատելու ունակություն: